


武英殿二十四史

史記

漢 太史公 撰
宋 中郎 外兵曹 參 軍 裴 駰 集 解
唐 國子博士 弘文館 學士 司馬 貞 索 隱
唐 諸王 侍讀 率府 長 史 張 守 節 正 義



史記卷三十

漢

太

史令司馬遷 撰



宋

中 郎外兵曹參軍裴 駟集解

唐國子博士弘文館學士司馬貞索隱

唐諸王侍讀率府長史 張守節正義

平準書第八

集解

漢書百官表曰大司農屬官有平準令丞者以鈞天下郡國輸斂貴則糴之賤則買之平賦以相準輸歸于

京都故命

曰平準

漢興接秦之弊丈夫從軍旅老弱轉糧饟作業劇而財匱自

天子不能具鈞駟

索隱

天子駕駟馬其色宜齊同今言國家貧天子不能具鈞色之駟馬漢書作醇駟醇與純同純一色也或作駢非也

而將相或乘牛車齊民無藏蓋

集解

如淳曰齊等無有貴賤故謂之齊民若今言平民矣晉灼曰中國被教之民也蘇林曰無

物可蓋

於是為秦錢重難用更令民鑄錢

集解

駟案漢書食貨志曰鑄榆莢錢索隱顧氏案古今註云秦錢半兩徑

一寸二分重十二銖莢錢重三銖錢譜云文為漢興也

一黃金一斤

索隱

如淳云時以錢為貨黃金一斤直萬錢非也又臣瓚下注云秦以一

史記卷三十

鎰為一金漢以一斤為一金是其義也

約法省禁而不軌逐利之民蓄積餘業以稽市物物踊騰

糴

集解

李奇曰稽貯滯也如淳曰稽考也考校市物價貴賤有時晉灼曰踊甚也言計市物賤而豫益蓄之也物貴而出賣故使物甚騰也漢書糴字作躍

索隱

李奇云稽貯滯韋昭云稽留待也稽字當如李韋二釋晉灼及馬融訓稽為計及考於義為疏如淳云踊騰猶低昂也低昂者乍賤乍貴也今按漢書糴

字作躍者謂物踊貴而價起有如物之騰躍而起也然糴者出賣之名故食貨志云大熟則上糴三而舍一是也

米至石萬錢馬一匹

則百金

集解

瓚曰秦以一溢為一金漢以一斤為一金

天下已平高祖乃令賈人不得衣絲乘車重租

稅以困辱之孝惠高后時為天下初定復弛商賈之律然市井之子孫亦不得

仕宦為吏量吏祿度官用以賦於民而山川園池市井

正義

古人未有市及井若朝聚井汲水便將貨

物於井邊貨賣故言市井也

租稅之入自天子以至于封君湯沐邑皆各為私奉養焉不領

於天下之經費

索隱

按經訓常言封君已下皆以湯沐邑為私奉養故不領入天子之常稅為一年之費也

漕轉山東粟以

給中都官

索隱

按中都猶都內也皆天子之倉府以給中都官者即今太倉以畜官儲是也

歲不過數十萬石至孝文

時莢錢益多輕

集解

如淳曰如榆莢也

乃更鑄四銖錢其文為半兩令民縱得自鑄錢故

吳諸侯也以即山鑄錢

索隱

按即訓就就山鑄錢故下文云銅山是也一解即山山名也

富埒天子

集解

徐廣曰埒者際

畔言鄰接相次也駟按孟康曰富其後卒以叛逆鄧通大夫也以鑄錢財過王與天子等而微減也或曰埒等也

者故吳鄧氏錢布天下而鑄錢之禁生焉匈奴數侵盜北邊屯戍者多邊粟不足給食當食者於是募民能輸及轉粟於邊者拜爵爵得至大庶長

索隱按漢書食貨志

云文帝用晁錯言令人入粟邊六百石爵上造稍增至四千石為五大夫萬二千石為大庶長各以多少為差

復脩賣爵令而賤其價以招民及徒復作得輸粟縣官以除罪益造苑馬以廣

用

索隱謂增益苑囿造廩而養馬以廣用則馬是軍國之用也

而宮室列觀輿馬益增脩矣至今上即位數

歲漢興七十餘年之閒國家無事非遇水旱之灾民則人給家足都鄙廩庾皆

滿而府庫餘貨財京師之錢累巨萬

集解韋昭曰巨萬今萬萬

貫朽而不可校

集解如淳曰校數也

倉之粟陳陳相因充溢露積於外至腐敗不可食衆庶街巷有馬阡陌之閒成

羣而乘字牝者儻而不得聚會

集解漢書音義曰皆乘父馬有牝馬閒其閒則相踉齧故斥不得出會同

守閭閻者

食梁肉為吏者長子孫

集解如淳曰時無事吏不數轉至于子孫長大而不轉職任

居官者以為姓號

集解如淳

曰倉氏庾氏是也案如淳注出食貨志也

故人人自愛而重犯法先行義而後紕恥辱焉當此之

史記卷三十

二

時網疏而民富役財驕溢或至兼并豪黨之徒以武斷於鄉曲

索隱鄉曲豪富無官位而以威

勢主斷曲直故曰武斷也宗室有土公卿大夫以下爭于奢侈室廬輿服僭于上無限度物

盛而衰固其變也自是之後嚴助朱買臣等招來東甌

正義烏侯反今台州永寧是也事兩越

正義南越及閩越南越今廣州南海也閩越今建州建安也江淮之閒蕭然煩費矣唐蒙司馬相如開路西

南夷鑿山通道千餘里以廣巴蜀巴蜀之民罷焉彭吳賈滅朝鮮置滄海之郡

索隱彭讓賈人姓名始開其道而滅之也朝鮮番名則燕齊之間靡然發動及王恢設謀馬邑匈奴絕和

親侵擾北邊兵連而不解天下苦其勞而干戈日滋行者齎居者送中外騷擾

而相奉百姓抗弊以巧法

索隱三蒼抗音五官反鄒氏又音五亂反案抗者耗也消耗之名言百姓貧弊故行巧抵之法也財

賂衰耗而不贍入物者補官出貨者除罪選舉陵遲廉恥相冒武力進用法嚴

令具興利之臣自此始也

集解韋昭曰桑弘羊孔僅之屬

其後漢將歲以數萬騎出擊胡及車

騎將軍衛青取匈奴河南地

正義謂靈夏三州地取在元朔二年

築朔方

正義今夏州也括地志云夏州秦上郡漢分置

朔方郡魏不改當是時漢通西南夷道作者數萬人千里負擔饋糧率十餘鐘

隋置夏州也

致一石集解駟案漢書音義曰鍾六石四斗散幣於邛莛以集之索隱應劭云臨邛屬莛莛屬犍為數歲道不通

蠻夷因以數攻吏發兵誅之索隱謂發軍與以誅之也悉巴蜀租賦不足以更之集解韋昭曰更續也

或曰更償也乃募豪民田南夷入粟縣官而內受錢於都內集解服虔曰入穀於東外縣受錢於內府也東

至滄海之郡人徒之費擬於南夷又興十萬餘人築衛朔方轉漕索隱按說文云漕水轉穀

也一云車運曰漕甚遼遠自山東咸被其勞費數十百巨萬府庫益虛乃募民能

入奴婢得以終身復為郎增秩及入羊為郎始於此其後四年集解徐廣曰而元朔五年也

漢遣大將將六將軍軍十餘萬擊右賢王獲首虜萬五千級明年大將軍將六

將軍仍再出擊胡得首虜萬九千級捕斬首虜之士受賜黃金二十餘萬斤虜

數萬人皆得厚賞衣食仰給縣官而漢軍之士馬死者十餘萬兵甲之財轉漕

之費不與焉於是大農陳藏錢集解韋昭曰陳久也經耗賦稅既竭猶不足以奉戰士有

司言天子曰朕聞五帝之教不相復而治禹湯之法不同道而王所由殊路而

建德一也北邊未安朕甚悼之日者大將軍攻匈奴斬首虜萬九千級留蹕無

史記卷三十

三

所食索隱留蹕無所食蹕音迭謂貯也韋昭音滯謂積也又按古今字詁林今滯字則蹕與滯同按謂富人貯滯積穀則貧者無所食也議令民

得買爵及贖禁固免減罪請置賞官命曰武功爵集解瓚曰茂陵中書有武功爵一級曰造士二級曰閑輿

衛三級曰良士四級曰元戎士五級曰官首六級曰秉鐸七級曰千夫八級曰樂卿九級曰執戎十級曰左庶長十一級曰軍衛此武帝所制以寵軍功級

十七萬凡直三十餘萬金索隱大顏云一金萬錢也計十一級級十七萬合百八十七萬金而此云三十餘萬金其數必有誤者顧

氏按或解云初一級十七萬自此已上每級加二萬至十一級合成三十七萬也諸買武功爵官首者試補吏先除索隱

官首武功爵第五也位稍高故得試為吏先除用也千夫如五大夫索隱千夫武功爵第七五大夫二十

二十爵第九故楊僕其有罪又減二等爵得至樂卿集解徐廣曰爵名也駟案漢書音義曰十爵左庶長

以至十八爵為大庶長也名樂卿樂卿者朝位從九卿加樂者別正卿又十九爵為樂公食公卿祿而無職也索隱按此言武功置爵惟得至於樂卿也臣瓚

所引茂陵書蓋後人記其爵失次耳今注稱十爵至十八庶長為樂卿十九以至二十為樂公乃以舊二十爵釋武功爵蓋亦臆說非也大顏亦以為然以

顯軍功軍功多用越等大者封侯卿大夫小者郎吏吏道雜而多端則官職耗

廢自公孫弘以春秋之義繩臣下取漢相張湯用峻文決理為廷尉於是見知

之法生集解張晏曰吏見知不舉劾為故縱而廢格沮誹集解如淳曰廢格天子文法使不行也誹謂非上所行若顏異反脣之比也索隱

隱 格音閣沮音才緒反誹音非謂廢格天子之命而不行其明年淮南衡山江及沮敗誹謗之者皆被窮治故云廢格沮誹之獄用矣

都王謀反迹見而公卿尋端治之竟其黨與而坐死者數萬人長吏益慘急而法令明察當是之時招尊方正賢良文學之士或至公卿大夫公孫弘以漢相布被食不重味為天下先然無益於俗稍驚於功利矣其明年驃騎仍再出擊胡獲首四萬其秋渾邪王率數萬之衆來降於是漢發車二萬乘迎之既至受賞賜及有功之士是歲費凡百餘巨萬初先是往十餘歲河決觀

集解 徐廣曰觀縣名也屬

東郡光武改曰衛公國

梁楚之地固已數困而緣河之郡隄塞河輒決壞費不可勝計其後番係欲省底柱之漕穿汾河渠以為溉田作者數萬人鄭當時為渭漕渠回遠鑿直渠自長安至華陰作者數萬人朔方亦穿渠作者數萬人各歷二三朞功未就費亦各巨萬十數天子為伐胡盛養馬馬之來食長安者數萬匹卒牽掌者關中不足乃調旁近郡而胡降者皆衣食縣官縣官不給天子乃損膳解乘輿駟出御府禁藏以贍之其明年山東被水菑民多飢乏於是天子遣使者

史記卷三十

四

虛郡國倉廩

集解 徐廣曰音膾

以振貧民猶不足又募豪富人相貸假尚不能相救乃

徙貧民於關以西及充朔方以南新秦中

集解 服虔曰地名在北方千里如淳曰長安已北朔方已南瓚曰秦逐匈

奴以收河南地徙民以實之謂之新秦今以地空故復徙民以實之

七十餘萬口衣食皆仰給縣官數歲假予產

業使者分部護之冠蓋相望其費以億計不可勝數於是縣官大空而富商大

賈或蹠財役貧

集解 駟案漢書音義曰蹠停也一曰貯也**索隱** 蕭該案字林轉云貯塵也音佇此謂居積停滯塵久也子貢發貯鬻財是也

穀百數

集解 李奇曰車也

廢居居邑

集解 徐廣曰廢居者貯畜之名也有所廢有所畜言其乘時射利也駟案服虔曰居穀於邑也如淳

曰居賤物於邑中以待貴也是出賣於居者為廢故徐氏曰有所廢有所畜是也

封君皆低首仰給

集解

晉灼曰低音抵距也服虔曰仰給於商賈**索隱** 服虔說是也而劉伯莊以為封君及大商皆低首營私以自給不佐天子非也

冶鑄煮鹽財或

累萬金而不佐國家之急黎民重困於是天子與公卿議更錢造幣以贍用而

摧浮淫并兼之徒是時禁苑有白鹿而少府多銀錫自孝文更造四銖錢至是歲四十餘年從建元以來用少縣官往往即多銅山而鑄錢民亦閒盜鑄錢不

可勝數錢益多而輕

集解 如淳曰磨錢取鉛故也瓚曰鑄錢者多故錢輕輕亦賤也

物益少而貴

集解 如淳曰但鑄作錢不

作餘有司言曰古者皮幣諸侯以聘享金有三等黃金為上白金為中赤金為

下集解漢書音義曰白金銀也赤金丹陽銅也索隱說文云銅今半兩錢法重

四銖集解韋昭曰文為半兩實重四銖而姦或盜摩錢裏取鎔集解徐廣曰音容呂錢益輕薄

而物貴則遠方用幣煩費不省乃以白鹿皮方尺緣以藻績集解徐廣曰為皮

幣直四十萬王侯宗室朝覲聘享必以皮幣薦璧然後得行又造銀錫為白金

集解如淳曰雜鑄以為天用莫如龍索隱易云行地用莫如馬索隱易云行人

用莫如龜索隱禮曰諸侯故白金三品其一曰重八兩圜之其文龍索隱顧氏

文為龍隱起肉好皆名曰白選索隱名白選蘇林曰選音選擇之選包愷及劉

圜文又作雲霞之象氏音息戀反尚書大傳云夏后氏不殺不刑死

罪罰二千饌馬融云饌直三千索隱晉灼按黃二曰以重老小方之索隱謂以

六兩漢書作撰音同直三千二百其文馬索隱錢譜肉好皆方隱

三品此重六兩下小隋重四兩也云以重老小起馬形肉好之下又是

者謂半兩為重故老小重六兩而其形方也其文龜索隱錢譜肉圓

連珠直五百三曰復小橢之索隱復小隋之湯果反爾雅注隋其文龜索隱錢

文也好方為隱直三百令縣官銷半兩錢更鑄三銖錢文如其重盜鑄諸金錢罪皆

起龜甲文起龜甲文直三百令縣官銷半兩錢更鑄三銖錢文如其重盜鑄諸金錢罪皆

史記卷三十

五

死而吏民之盜鑄白金者不可勝數於是以東郭咸陽索隱東郭姓咸陽名也

夫咸陽其後也孔僅為大農丞領鹽鐵事桑弘羊以計算用事侍中咸陽齊之大煮鹽

孔僅南陽大冶皆致生累千金故鄭當時進言之弘羊雒陽賈人子以心計年

十三侍中故三人言利事析秋豪矣索隱按言百物毫芒至秋皆美細今言弘

法既益嚴吏多廢免兵革數動民多買復及五大夫徵發之士益鮮於是除千

夫五大夫為吏不欲者出馬故吏皆通適令伐棘上林集解韋昭曰欲令出馬

故吏先免者皆適令伐棘索隱案黃圖武帝穿昆明池周四十里以

不謂無馬者韋說非也作昆明池索隱案黃圖武帝穿昆明池周四十里以

戰以伐其明年大將軍驃騎大出擊胡集解徐廣曰得首虜八九萬級賞賜五

之也之也其明年大將軍驃騎大出擊胡集解徐廣曰得首虜八九萬級賞賜五

十萬金漢軍馬死者十餘萬匹轉漕車甲之費不與焉是時財匱戰士頗不得

祿矣有司言三銖錢輕易姦詐乃更請諸郡國鑄五銖錢周郭其下令不可磨

取鎔焉大農上鹽鐵丞孔僅咸陽言山海天地之藏也皆宜屬少府索隱韋昭

所賜經用也公陛下不私以屬大農佐賦願募民自給費因官器作煮鹽官與

用屬大司農也

牢盆

集解如淳曰牢廩食也古名廩為牢也盆者煮鹽之盆也**索隱**予牢盆按蘇林云牢價直也今代人言雇手牢盆晉灼云蘇說是樂產云牢乃盆名

其說

浮食奇民

索隱奇包愷音羈諸侯也非農工之儔故言奇也

欲擅管

集解張晏曰若人執倉庫之管籥或曰管固**索隱**擅筦音

音善

山海之貨以致富羨

索隱弋戰反羨饒也與衍同義

役利細民其沮事之議

索隱沮止也僅等言山海

有沮止之議此不可聽許也

不可勝聽敢私鑄鐵器煮鹽者欽左趾

史記音隱曰欽

音徒計反韋昭曰欽以鐵為之著左趾以代刑也

索隱按三蒼云欽踏腳鉗也字林徒計反張斐漢晉律序云狀如跟衣著足足下重六斤以代贖至魏武改

以代刑也沒入其器物郡不出鐵者置小鐵官

鄧展曰鑄故鐵

便屬在所縣使孔僅東郭咸

陽乘傳舉行天下鹽鐵作官府除故鹽鐵家富者為吏吏道益雜不選而多賈

人矣商賈以幣之變多積貨逐利於是公卿言郡國頗被菑害貧民無產業者

募徙廣饒之地陛下損膳省用出禁錢以振元元寬貸賦而民不齊出於南畝

集解李奇曰齊皆也

商賈滋衆貧者畜積無有皆仰縣官異時算輶車賈人緡錢皆有差

請算如故

集解李斐曰緡絲也以貫錢也一貫千緡出二十算也詩云維絲伊緡如淳曰胡公名錢為緡者詩云氓之蚩蚩抱布貿絲故謂之緡也

索隱異時猶前時也說文云輶小車也傳子言漢代賤乘輶今則貴之言算輶車者有輶車使出稅一算二算也緡音旻

諸賈人未作貰貸

史記卷三十

六

買居邑稽諸物

索隱稽者停留也即上文所謂廢居居邑也

及商以取利者雖無市籍各以其物自

占

索隱郭璞云占自隱度也謂各自隱度其財物多少為文簿送之官也若不盡皆沒入於官占音之贍反

率緡錢二千而一算

集解

贍曰此緡錢為是儲緡錢也故隨其用所施施於利重者其算亦多

諸作有租及鑄

集解如淳曰以手力所作而賣之

率緡錢四

千一算非吏比者三老北邊騎士

集解如淳曰非吏而得與吏比者官謂三老北邊騎士也樓船令邊郡選富者為車騎士

輶車以一算商賈人輶車二算

集解如淳曰商賈有輶車使出二算重其賦也

船五丈以上一算匿不

自占占不悉戍邊一歲沒入緡錢

索隱悉盡也具也若通其家財不周悉盡者罰戍邊一歲

有能告者以其

半畀之賈人有市籍者及其家屬皆無得籍名田以便農

索隱謂賈人有市籍不許以名占田也

敢犯令沒入田僮

索隱若賈人更占田則沒其田及僮僕皆入之於官也

天子乃思卜式之言召拜式為

中郎爵左庶長賜田十頃布告天下使明知之初卜式者河南人也以田畜為

事親死式有少弟弟壯式脫身出分獨取畜羊百餘田宅財物盡予弟弟式入山

牧十餘歲羊致千餘頭買田宅而其弟盡破其業式輒復分子弟弟者數矣是時

漢方數使將擊匈奴卜式上書願輸家之半縣官助邊天子使使問式欲官乎

式曰臣少牧不習仕宦不願也使問曰家豈有冤欲言事乎式曰臣生與人無分爭式邑人貧者貸之不善者教順之所居人皆從式式何故見冤於人無所欲言也使者曰苟如此子何欲而然式曰天子誅匈奴愚以為賢者宜死節於邊有財者宜輸委如此而匈奴可滅也使者具其言入以聞天子以語丞相弘弘曰此非人情不軌之臣不可以為化而亂法願陛下勿許於是上久不報式數歲乃罷式式歸復田牧歲餘會軍數出渾邪王等降縣官費衆倉府空其明年貧民大徙皆仰給縣官無以盡贍卜式持錢二十萬予河南守以給徙民河南上富人助貧人者籍天子見卜式名識之曰是固前而欲輸其家半助邊乃賜式外繇四百人

集解 駟案 漢書音義曰外繇謂戍邊也一人出三百錢謂之過更式歲得十二萬錢也一說在繇役之外得復除四百人

式又盡復予縣官是時富豪皆爭匿財唯式尤欲輸之助費天子於是以式終長者故尊顯以風百姓初式不願為郎上曰吾有羊上林中欲令子牧之式乃拜為郎布衣屨而牧羊

集解 韋昭曰屨草屣

歲餘羊肥息上過見其羊善之式曰非獨羊

史記卷三十

七

五十四

也治民亦猶是也以時起居惡者輒斥去毋令敗羣上以式為奇拜為緱氏令試之緱氏便之遷為成臯令將漕最上以為式朴忠拜為齊王太傅而孔僅之使天下鑄作器三年中拜為大農列於九卿

集解 徐廣曰元鼎二年時丙寅歲也

而桑弘羊為大

農丞筦諸會計事稍稍置均輸以通貨物矣

集解 孟康曰謂諸當所輸於官者皆令輸其土地所饒平其所在時

價官更於他處賣之輸者既便而官有利漢書百官表大司農屬官有均輸令

始令吏得入穀補官郎至六百石自造

白金五銖錢後五歲赦吏民之坐盜鑄金錢死者數十萬人其不發覺相殺者

不可勝計赦自出者百餘萬人然不能半自出天下大抵無慮皆鑄金錢矣

索隱

抵音氏抵歸也劉氏云大抵猶大略也案大抵無慮者謂言大略歸於鑄錢更無他事從慮

犯者衆吏不能盡誅取於是遣

博士褚大徐偃等分曹循行郡國

集解 服虔曰分曹職案行

舉兼并之徒守相為吏者而御

史大夫張湯方隆貴用事減宣杜周等為中丞義縱尹齊王溫舒等用慘急刻

深為九卿而直指夏蘭之屬始出矣而大農顏異誅

集解 徐廣曰元狩四年時壬戌歲也

初異為

濟南亭長以廉直稍遷至九卿上與張湯既造白鹿皮幣問異異曰今王侯朝

賀以蒼璧直數千而其皮薦反四十萬本末不相稱天子不說張湯又與異有
卻及有人告異以它議事下張湯治異異與客語客語初令下有不便者

集解

李奇曰異與客語道詔令初下有不便處也異不應微反脣湯奏異當九卿見令不便不入言而腹誹

論死自是之後有腹誹之法以此而公卿大夫多諂諛取容矣天子既下緡錢
令而尊卜式百姓終莫分財佐縣官於是楊可告緡錢縱矣郡國多姦鑄錢

索隱

謂多姦巧雜以鉛錫也錢多輕而公卿請令京師鑄鐘官赤側

集解如淳曰以赤銅為其郭也今錢見有赤側者不

知作法云何索隱鍾官掌鑄赤側之錢韋昭云側一當五賦官用非赤側不得

行集解漢書音義曰白金稍賤民不實用縣官以令禁之無益歲餘白金終廢

不行是歲也張湯死集解徐廣曰元鼎三年而民不思索隱樂產云諸所廢興附上其後

二歲赤側錢賤民巧法用之不便又廢於是悉禁郡國無鑄錢專令上林三官
鑄集解漢書百官表水衡都尉武帝元鼎二年初置掌上林苑屬錢既多而令

天下非三官錢不得行諸郡國所前鑄錢皆廢銷之輸其銅三官而民之鑄錢

史記卷三十

八

五十四

益少計其費不能相當唯真工大姦乃盜為之卜式相齊而楊可告緡徧天下

集解瓚曰商賈居積及伎巧之家非桑農所生出謂之緡茂陵中書有緡田奴婢是也索隱姓楊名可如淳云告緡者令楊可告占緡之不盡者也中家

以上大抵皆遇告杜周治之獄少反者集解如淳曰治匿緡之罪其獄少有反者索隱反音番反謂反使從輕也案劉

德為京兆尹每行乃分遣御史廷尉正監分曹往索隱如淳云曹輩也謂縣多所平反是也分曹輩而出為使也即治

郡國緡錢得民財物以億計奴婢以千萬數田大縣數百頃小縣百餘頃宅亦

如之於是商賈中家以上大率破民偷甘食好衣不事畜藏之產業而縣官有

鹽鐵緡錢之故用益饒矣益廣關置左右輔集解徐廣曰元鼎三年丁卯歲徙函谷關於新安東界初大

農筦鹽鐵官布多索隱謂泉布置水衡欲以主鹽鐵及楊可告緡錢上林財物衆乃

令水衡主上林上林既充滿益廣是時越欲與漢用舡戰逐集解韋昭曰乃大戰鬪馳逐也乃大

修昆明池列觀環之治樓舡高十餘丈旗幟加其上甚壯索隱蓋始穿昆明池欲與滇王戰今乃更

大修之將與南越呂嘉戰逐故作樓船於是楊僕有將軍之號又下云因南方樓船卒二十餘萬擊南越也昆明池有豫章館豫章地名以言將出軍於豫章

於是天子感之乃作柏梁臺高數十丈宮室之脩由此日麗乃分緡錢諸官

而水衡少府大農太僕各置農官往往即郡縣比沒入田索隱比昔所田之其

沒入奴婢分諸苑養狗馬禽獸及與諸官諸官益新置多集解如淳曰水衡少

官是徒奴婢衆而下河漕度四百萬石索隱樂產云及官自糴乃足索隱按謂

為多廩食者多故官所忠索隱人姓名服虔云掌故官取書於司馬相如者封禪書

言世家子弟集解如淳曰世富人或鬪雞走狗馬弋獵博戲亂齊民索隱晉灼

教整齊乃徵諸犯令相引數千人命曰株送徒入財者得補郎郎選衰矣集解

之人也曰株根本也送引也如淳曰株根蒂也諸坐博戲事決為徒者能入錢得補郎

也或曰先至者為根索隱李奇云先至者為魁株應劭云株根本也送當作選

選引也應李二音是先至之人令之相引似若得其株本則枝葉自窮故曰株

送徒又文穎曰凡鬪雞勝者為株傳云陽溝之雞三歲為株今則鬪雞走馬者

用之因其鬪雞本勝時是時山東被河菑及歲不登數年人或相食方一二千

名故云株送徒者也里天子憐之詔曰江南火耕水耨集解應劭曰燒草下水種稻草與稻並生高

所謂火耕令飢民得流就食江淮閒欲留之處遣使冠蓋相屬於道護之下巴

蜀粟以振之其明年天子始巡郡國東度河河東守不意行至不辨自殺行西

史記卷三十

九

踰隴隴西守以行往卒集解漢書音義曰天子從官不得食隴西守自殺於是

上北出蕭關從數萬騎獵新秦中以勒邊兵而歸新秦中或千里無亭徼集解

曰徼亦卒求盜之屬也晉灼曰徼塞也日既無亭候又不徼循無衛邊之備也於是誅北地太守以下而令民得畜

牧邊縣集解漢書音義曰令民得畜牧於邊縣也日既無亭候又不徼循無衛邊之備也官假馬母三

歲而歸及息什一以除占繒用充仞新秦中集解李奇曰邊有官馬今令民能

蕃息與當出繒筭者皆復令居新秦中又充仞之也謂與民母馬令得為馬種

令十母馬還官一駒此為息什一也日既無亭候又不徼循無衛邊之備也故設告繒之令設亭

徼邊民無警皆得田牧新秦中既得寶鼎立后土太一祠集解徐廣曰元鼎四年立后土五年立泰

時公卿議封禪事而天下郡國皆豫治道橋繕故宮及當馳道縣縣治官儲設

供具而望以待幸其明年南越反西羌侵邊為桀於是天子為山東不贍赦天

下因南方樓舡卒二十餘萬人擊南越數萬人發三河以西騎擊西羌又數萬

人度河築令居索隱令音零姚氏音初置張掖酒泉郡集解徐廣曰而上郡朔

方西河河西開田官斥塞卒集解如淳曰六十萬人戍田之中國繕道餽糧遠

塞候斥卒

者二千近者千餘里皆仰給大農邊兵不足乃發武庫工官兵器以贍之車騎馬乏絕縣官錢少買馬難得乃著令令封君以下至三百石以上吏以差出牝馬天下亭亭有畜牝馬歲課息齊相卜式上書曰臣聞主憂臣辱南越反臣願父子與齊習舡者往死之天子下詔曰卜式雖躬耕牧不以為利有餘輒助縣官之用今天下不幸有急而式奮願父子死之雖未戰可謂義形於內賜爵關內侯金六十斤田十頃布告天下天下莫應列侯以百數

索隱劉氏言其多以百六人皆莫求從軍擊羌越至耐少府省金

集解如淳曰省視諸侯金有輕有重也或曰至嘗耐飲宗廟時少府視其金而列侯坐耐金失侯者百餘人

集解如淳曰漢儀注王子為侯侯歲以多少也

而列侯坐耐金失侯者百餘人

集解如淳曰漢儀注王子為侯侯歲以助祭大祀日飲耐飲耐受金金少

乃拜式為御史大夫

集解徐廣曰元鼎六年

式既在位見郡國多不便縣官作鹽鐵鐵器苦惡

集解瓚曰謂作鐵器民患苦其不好

賈貴

索隱鹽既苦而貴也苦又音古言器苦窳不好凡病之器

云苦窳窳音庾語見本紀苦如字讀亦通

或彊令民賣買之而舡有筭商者少物貴乃因孔僅言舡筭事上由是不悅卜式漢連兵三歲誅羌滅南越番禺以

史記卷三十

十

西至蜀南者置初郡十七

利集解如淳則反本而萬物不得騰踊故抑天下物名曰平準天子以為然許

之於是天子北至朔方東到太山巡海上並北邊以歸所過賞賜用帛百餘萬匹錢金以巨萬計皆取足大農弘羊又請令吏得入粟補官及罪人贖罪令民能入粟甘泉各有差以復終身不告緡他郡國各輸急處索隱謂他郡能入粟輸所在急要之處也

而諸農各致粟山東漕益歲六百萬石一歲之中太倉甘泉倉滿邊餘穀諸物均輸帛五百萬匹民不益賦而天下用饒於是弘羊賜爵左庶長黃金再百斤焉是歲小早上令官求雨卜式言曰縣官當食租衣稅而已今弘羊令吏坐市

列肆索隱坐市列謂吏坐市肆行列之中販物求利亨弘羊天乃雨

太史公曰農工商交易之路通而龜貝金錢刀布之幣興焉所從來久遠自高辛氏之前尚矣靡得而記云故書道唐虞之際詩述殷周之世安寧則長庠序先本絀末以禮義防于利事變多故而亦反是是以物盛則衰時極而轉集解徐廣

曰時一作衰一質一文終始之變也禹貢九州各因其土地所宜人民所多少而納

史記卷三十

十一

職焉湯武承弊易變使民不倦各兢兢所以為治而稍陵遲衰微齊桓公用管

仲之謀通輕重之權集解管子有輕重之法微山海之業以朝諸侯用區區之齊顯成霸

名魏用李克盡地力為彊君自是以後天下爭於戰國貴詐力而賤仁義先富有而後推讓故庶人之富者或累巨萬而貧者或不厭糟糠有國彊者或并羣小以臣諸侯而弱國或絕祀而滅世以至於秦卒并海內虞夏之幣金為三品

索隱即下或黃或赤白黃金也集解如淳曰或刀或黃或白或赤或錢或布布於民間也

集解如淳曰名錢為或龜貝索隱按錢本名泉言貨之流如泉也故周有泉府之官及景王乃鑄大錢布者言貨流布故周禮有二夫之布食貨志貨布首長八分足支八分刀者錢也食貨志有契刀錯刀形如刀長二寸直五千以其形如刀故曰刀以其利於人也又古者貨貝寶龜食貨志有十朋五貝皆用為貨其各有多少元龜及至秦中一國之幣為三等黃直十貝故直二千一百六十已下各有差也

金以溢名集解孟康曰為上幣銅錢識曰半兩重如其文為下幣而珠玉龜貝

銀錫之屬為器飾寶藏不為幣然各隨時而輕重無常於是外攘夷狄內興功業海內之士力耕不足糧饟女子紡績不足衣服古者嘗竭天下之資財以奉

其上猶自以為不足也無異故云事勢之流相激使然曷足怪焉

索隱述贊曰平準之立通貨天下既入縣官或振華夏其名刀布其文龍馬增筭告緡哀多益寡弘羊心計卜式長者都內克殷取贍郊野

史記卷三十

十二

平準書第八